

四庫全書

子部

欽定四庫全書

子部
普濟方卷四百十七

詳校官太醫院吏目臣朱桂

編修臣倉聖脈覆勘

總校官進士臣繆琪

校對官中書臣朱忻

謄錄監生臣曹錫爵

欽定四庫全書

普濟方卷四百十七

明

周王朱櫛撰

鍼灸門

諸風附論

凡諸百邪之病源起多途其有種種形相示表癲邪之
端而見其病或有默默而不聲或復多言而慢說或歌
或哭或吟或笑或眠坐溝渠噉食糞穢或裸形露體或
晝夜遊走或嗔罵無度或是蜚蠱精靈手亂目急如斯

種類癲狂之人今針灸與夫方藥並主治之凡占風之家亦以瘋為鬼斷扁鵲云百邪所病者針有十三穴也凡針之體先從鬼宮次針鬼信便至鬼壘又至鬼心未必須併針止五六穴即可知矣若是邪蠱之精便自言說論其由來往驗有實立得精靈未必須盡其命求去與之男從左起針女從右起針若數處不言便遍穴針也依訣而行針灸等處並備主之仍須依掌訣捻目治之萬不失一黃帝掌訣別是術家祕要縛鬼禁劫五嶽

四瀆山精鬼魅並悉禁之有目在人兩手中十指節間
第一針人中名鬼宮從左邊下針右邊出第二針手大
指爪甲下名鬼信入肉三分第三針足大趾爪甲下名
鬼壘入肉二分第四針掌後橫文名鬼心入半寸即太
淵穴也第五針外踝下白肉際足太陽名鬼路火針七
銍銍三下即申脉穴也第六針大椎上入髮際一寸名
鬼枕火針七銍銍三下第七針耳前髮際宛宛中耳垂
下五分名鬼牀火針七銍銍三下第八針承漿名鬼市

從左出右第九針手橫文上三寸兩筋間名鬼路即勞
宮穴也第十針直鼻上入髮際一寸名鬼堂火針七銓
銓三下即上星穴也第十一針陰下縫灸三壯女人即
玉門頭名鬼藏第十二針尺澤橫文外頭接白肉際名
鬼巨火針七銓銓三下此即曲池穴第十三針舌頭一
寸當舌下縫刺貫出舌上名鬼封仍以一板橫口吻安
針頭令舌不得動已前若是手足皆相對針兩穴若是
孤穴即單針之 岐伯曰中風大法有四一曰偏枯二

曰風痺三曰風懿四曰風痺夫諸急卒病多是風初得
輕微人所不悟宜速與續命湯依腧穴灸之夫風者病
之長岐伯所言四者說其最重也 經驗方云凡覺心

中憤亂神思不怡或兼手足麻木此是風將發之候不
問是風與氣宜速灸百會風池大權肩井曲池間使足
三里七穴兩邊依次序自上及下灸之如灸稍遲氣塞
涎上或失音將欲絕者便可依此次序灸之艾炷如蒼
耳大灸三壯足三里灸五壯輪日以次灸之至隨年壯

乃止大凡每遇春秋二時可於此七穴時復灸之以泄風氣如體中素有風氣者尤須留意此灸法可保無虞此法能灸卒死醫書云凡民風發強恐怕痛不肯灸忽然卒死者是何病謂入藏故也有患風病者不可不知此灸法 又云先賢論曰風中脉則口眼喎邪風中腑則肢體廢中臟則性命危凡治中風古方雖用續命防風等藥然此只可扶助疾病若要救危急收全功必須火艾灼灸為良 又云凡喎向左者謂左邊脉中風而

緩也宜灸左凡喎向右者謂右邊脉中風而緩也宜灸
右其艾炷大如麥粒各灸二七壯宜頻灸之以取盡風
氣口眼正為度 又云凡覺手足或麻或痛良灸乃已
者是風將中腑之會宜灸百會等七穴病在右即灸右
病在左即灸左如因循失灸手足已廢者春較秋灸秋
較春灸以取盡風氣手足輕安為度 凡風名從背五
臟腧入諸臟受病肺病最急肺主氣息又冒諸臟故也

中風

治肺中風者其人偃卧而胃滿短氣胃悶汗出者肺風之證視目下鼻上兩邊下行至口色白者尚可治肺踰急灸百壯服續命湯小兒減之

詩曰

肺風喘促滿胃堂

偃卧漿漿燥異常

口鼻之間須要白

尋衣肺壞色憂黃

資生經王氏云若急黃者此為肺已傷化為血不可復治若為急風邪所中便迷漠恍惚妄言狂語或少氣惛

嘔不能復言若不求師即治宿夕而死即覺便灸肺膈
及膈膺肝膺數十壯急服續命湯可救若涎唾出不收
者即灸當立與湯池也諸陽受風亦恍惚妄言與肺
病相似然暑緩可經久而死

治肝中風者其人但踞坐不得低頭繞兩目連額上色
微有青者肝風之證若唇色青面黃尚可治

肝膺急灸百壯服續命湯

詩曰

肝家踞怒不低頭

左脇偏疼筋急攣

額目唇青為可療

目黃目白使人愁

治心中風者其人但得偃卧不得傾側悶亂胃絕汗出者心風之證若唇正赤尚可治

心膈急灸百壯服續命湯

詩曰

心風偃卧熱而瘖

唇赤其身有汗青

白黑青黃唇上見

停停時悚扁醫驚

治脾中風者其人但踞坐而腹滿身通黃吐涎汗出者
尚可治

脾腧急灸百壯服續命湯

詩曰

脾中風兮肌肉瞤

踞而腹滿吐涎酸

唇并肢體通黃疾

手足眸青療已難

治腎中風者其人踞坐而腰痛視脇左右未有黃色如
餅漿大者尚可治

腎腧急灸百壯服續命湯

詩曰

腎中踞而腰脊疼

面浮耳黑賊風生

脇無黃跡能痊愈

直髮泥容旦暮傾

治胃中風者腹滿填脹隔塞不通張口喘急額上多汗
孫地仙所謂新食竟取為胃是也或曰風中諸臟不關
諸府是亦一說然胃為水谷之海五臟皆取氣於胃故
並存之

胃脘急灸百壯服續命湯

詩曰

胃病根源飲食來

擡肩喘息氣難開

口張額汗腹中滿

浮診雙開脉大哉

治大腸中風者卧而腸鳴不止

大腸脘炎百壯可服續命湯

治中風眼戴上及不能語者

第二椎上及第五椎上灸各十壯齊下火炷如半棗

核大立瘡

治中風半身不遂資生經云黃帝岐伯曰中風半身不遂如何答曰凡未中風一兩月前或三五月前非時足脛上忽酸重頑痺良久乃解此將中風之候

急灸三里絕骨四處三壯後用葱薄荷桃柳葉煎湯淋洗以驅逐風氣於瘡口出灸瘡春較秋灸秋較春灸常令兩脚有瘡為妙

治飲食不節酒色過度忽中風言語蹇澁半身不遂宜

七處齊下火各三壯風在左灸右右灸左

穴百會 耳前髮際 肩井 風市 三里

絕骨

曲池七穴神效不能具錄依法灸無不愈

治風中府手足不隨其狀覺手足或麻或痛良久乃已
此將中府之候病左灸右病右灸左因循失灸癱者灸
瘡春較秋灸秋較春灸取盡風氣集効

穴百會

曲鬢

一作髮際

肩髃

曲池

風市

足三里 絕骨

治風中藏氣塞涎上不語極危者下火立効其狀覺心中憤亂神思不怡或手足麻此將中藏之候不問風與氣但依次自上及下各灸五壯日別灸隨年壯凡遇春秋常灸以泄風氣素有風人可保無虞此能灸暴卒

穴百會 風池 大椎 肩井 曲池 間使

足三里

集効方云治風莫如續命防風排風湯之類此可扶助疾病若救危急必火艾為良此論亦當

資生經云范子默自壬午年五月間口眼喎斜灸聽
會等三穴即正右手足麻無力灸百會髮際等七穴
得愈癸未年八月間氣塞涎上不語金虎丹加膩粉
服至四九半氣不通涎不下藥從鼻中出魂魄飛揚
如墜江湖中頃欲絕灸百會風池等左右共十二穴
氣遂通吐痰一碗許斷又下十餘行伏枕半月餘遂
平爾後不覺意思少異於常心中憤亂即便灸百會
風池等穴立効本事方云十二穴者謂聽會頰車地

倉百會肩髃曲池風市足三里絕骨髮際大椎風池
也依而用之立効

凡氣塞涎上不能語心中風候也巢氏病源常論之
古方雖謂但得偃卧悶絕汗出者心中風之候恐未
盡也范公灸得氣通蓋灸百會之力其吐幾一碗下
十行者豈金虎丹加膩粉所致耶

治大患風者先補後瀉少可患以經取之 穴 風池
治中風支滿短氣不食食不消吐血目不明閉塞穴肝膈

治偏枯不能行大風暴不知人卧驚視如見星 穴陰蹻

治卒中風不識人 穴臨泣

治風面浮腫顏黑厥氣上衝腹脹大便下重瘕驚膝股
骭腫轉筋目眩頭痛 穴解谿

治中風喜悲笑不休手痺 穴勞宮

治中風肘攣實則心暴痛虛則心煩惕風頭耳後痛
煩心足不收失履口眼喎僻頭項瘕痛牙車急

穴內關 完骨

治心中風語悲泣

穴 心膻

治風癰中風角弓反張或多哭言語不擇發即無時盛
即吐沫心驚煩健忘 穴 百會

治狂易大風

穴 崑崙

治風眼腿脚不隨

灸巨室上廉二穴各灸三壯

治大風默默不知所痛視如見星

穴 照海

治大風默默不知所痛悲傷不樂

穴 天井

治清風心風

穴 百會

治偏風熱風 穴 肩髃

治肝風占候其口不能言 穴 鼻下人中 大椎

肝腧灸五十壯餘處隨年壯

眼暗人灸之得明二百壯良

治心風寒 穴 心腧灸各五壯

治心風 穴 心腧兩邊各一寸二分灸各五七壯

治心風食脹滿食不消化吐血酸痛四肢羸露不欲食
飲鼻血目眩眊眊不明肩頭脇下痛小便急

穴 肝腧二穴灸二三百壯瘥即止一云灸心腧

治卒中惡風心悶煩毒欲死

穴足大指下橫文急灸隨年壯立愈

內踝筋急不能行者

內踝上急灸四十壯

外踝筋急不能行者

外踝上急灸三十壯立愈

眼戴精上揲

自兩背後灸二七壯

不能語

第三椎上灸百壯

不識人

李肋頭灸七壯

眼反口噤腹中切痛

陰囊下第一橫理灸十四

壯灸卒死亦良

治大風卒風緩急諸風卒發動不自覺知或心腹脹滿
或半身不隨或口噤不言涎唾自出目閉耳聾或舉身
冷直或煩悶恍惚喜怒無節或唇青口白戴眼角弓反
張始覺發動

穴

神庭灸七壯

次曲差

次上關

次下關

次頰車

次廉泉

次顙會

次本神

次天柱

次陶道

次風門

次心膛

次肝膈

次腎膈

次膀胱膈

次曲池

次肩髃

次支溝

次合谷

次間使

次陽陵泉

次陽輔

次崑崙

已上各七壯

治風

穴上星灸二百壯

前項二百四十壯

百會二百壯

腦戶風府各三百壯

治大風

穴百會灸七百壯

治百種風

腦後項大椎平處兩相量二寸三分須取病人指寸
量兩相各灸百壯得瘥

治風耳鳴

從耳後量八分半裏許有孔灸一切風得瘥狂者亦
瘥兩耳門前後各百壯

治卒病惡欲死不能語及肉痺不知人

第五椎名曰臧腧灸百五十壯三百壯便愈

治風腹中雷鳴腸泄食不消化小腹絞痛腰脊疼彊

或大小便難不能飲食 穴 大腸腧灸百壯三日一報

治風 穴 掖門灸五十壯

治風身重心煩足脛疼 穴 絕骨灸百壯

治惡風邪氣泣注喜忘

穴 百會 天府 曲池 列缺

治風入腹中 穴 湧泉

治耳中風生 穴 商陽

治大風目痛及目外背痛 穴 臨泣

治面黑濕風 穴 關衝

治風從頭至足面目赤 穴 解谿

治風寒熱 穴 掖門

治手中風熱 穴 內關

治頭身風熱 穴 間使

治身風寒 穴 後谿

治胃中寒如風壯及治頭眩兩頰痛 穴 俠谿

治肺寒 穴 肺腧
灸百壯

治腎寒 穴 腎腧灸百壯

治大風逆氣多寒 穴 大橫

王氏云鄉里有人忽覺心腹中熱甚急投藥鋪說其狀鋪家以為此中風之候與治風藥而風不作中心藏之至夷陵見一太守中夏忽患熱甚不免以水洒地設簟卧其上令人扇之次日忽中風數日而殂人皆咎其卧冰簟而用扇也暨到澧陽見一老婦人夏中亦患熱夜卧廳上次日中風遇其子預合得小續

命湯服更召醫調理數日愈始知人之中風心腹中
多大熱而後作而小續命湯不可不服也王令患風
醫以青州白丸子排風湯續命湯四物湯黃耆建中
湯朮附湯嘉禾散各為一處同和分數服每服水一
碗棗三枚生姜五片同煎至七分去滓溫服自後與
人服皆効周戶傳三湯四散子用四君子排風續命
湯嘉禾急風正氣勻氣散一切風氣無不瘥○又云
凡中風用續命排風等湯神精丹茵芋酒更加灸必

愈

治熱風

兩乳頭各灸一七壯

足外踝後一寸各灸三壯

頂中旋毛灸一七壯

治風頭耳後痛煩心及足不收失履口喎僻頭項搖瘳

痛牙車急

穴完骨

治風身熱

穴後谿

治風十指筋攣不行屈伸

兩手踝骨上各灸一七壯

治中風手足不隨

穴百會 肩髃 聽會 曲池 三里 懸鍾

風市等七穴左治右右治左以取盡風氣輕安為度

治繞踝風

刺曲池二穴如繞外踝痛兼刺絲絡二穴如繞內
踝痛兼治大都二穴針入三分如腓前痛兼刺行
間二穴針入六分

中風不語

治脾風占候聲不出或上下手

當灸手十指頭次灸人中次大椎次兩耳門前脉
去耳門上下行一寸是次兩大指節上下各七壯

治脾風

穴脾腧脊兩邊灸各五十壯凡人脾腧無定所隨
四季月應病即灸藏腧是脾穴此法甚妙

治脾風者總忽為八風猥腿風半身不遂失音不語者

穴百會灸百壯 次本神 次承漿 次風府

次肩髃 次手五冊 次手隨孔 次手少陽

次足五冊 次足髓孔 次足陽明各灸五百壯

治中風失瘖不能言語緩縱不隨及風痺不能語手足不隨卒病欲死不能語肺中風不能言

穴天聰先灸五十壯息火百會仍移灸五壯畢天

聰還灸五十壯若發先灸百會則風氣不得泄內

攻五藏喜閉伏仍失音也所以先灸天聰次百會

佳一灸五十壯悉泄火勢復灸之視病輕重重者
一處三百壯大効凡中風服藥益劇者但是風穴
悉皆灸三壯無不愈神良決定勿疑不至心者勿
浪為灸

巢氏云脾脉絡胃夾咽連舌本散舌下心之別脉繫
舌本心脾受風邪故舌強不語三陽之經並絡入頤
頰夾於口諸陽為風寒所客則筋急故口噤不得開
治卒中風口噤不得開

機關

千金翼
名頻車

二穴各灸五壯即得語又灸隨年壯

僻者逐僻左右灸

治卒中風口喎

葦筒長五寸以一頭刺耳孔中四畔以麪密塞勿
令泄氣一頭內大豆一顆并艾燒令燃灸七壯差
右灸左左灸右千金不傳耳病亦灸之

治中風口喎

手交脉灸三壯左灸右右灸左炷如鼠屎形橫安

兩頭下火

治口喎 穴 刺承泣

治風中脉口眼喎斜

若久不治亦傳入藏慎不可忽

穴 聽會 頰車 地倉

經驗方云自崇寧壬午年五月間忽口眼喎斜灸聽會等穴即正後右手足麻木無力灸百會髮際等七穴得愈癸未年八月間氣塞涎上不能語取金虎丹臑粉服至四九半氣不通涎不下藥從鼻中出魂魄

飛揚如墜江湖中頃刻欲絕灸百會風池等左右共
十二穴氣遂通吐涎幾一碗許繼又下十餘行伏枕
半月餘遂平復方覺意思惶快每遇心中憤亂即灸
百會風池等穴無不立效固知灸有神聖之功非藥
所能及也甲申十月既望正思識

治風口喎

穴 列缺二穴別走陽明者灸三壯患左灸右患右灸左
治風失音不語 穴 合谷各灸三壯

治不能言

穴

通理

治中風口喎僻

口喎口橫絞間灸覺火熱便去艾即愈勿盡艾則
大過若口左僻灸右吻右僻左吻又手中指節上
灸一炷

治口喎斜

耳垂下麥粒大艾灸三壯左灸右右灸左

治風寒之氣客於藏間滯而不能發故瘖不能言及候

痺失聲皆風邪所為也入藏皆能殺人

穴 百會灸百壯鍼入三分補一

治中風卒失聲聲嚙不出

穴 大椎旁一寸五分 又刺其下停針之

治風痺不能語手足不遂

度病者手小指內岐間至指端為度以置臍上直
望心下以丹注度上端畢又作兩度續所注上合
其下開其上取其本度橫置其間上令三合其壯

如倒作某字形男度左女度右手嫌不分了故上
丹注三處同時起火灸之各一百壯愈

治中風口噤牙關不開

刺水溝針入四分 次針頰車令人側卧張口取
之針入四分得氣瀉

治中風不能語

第二頤或第五頤上灸五十壯

治風入臟使人瘖啞卒口眼相引牙車急舌不轉喎僻者
口吻邊橫紋赤白際逐左右灸隨年壯報之至三日

不瘥更報之

治中風氣塞涎上不語昏危者

穴 百會 風池 大顙 肩井 曲池

間使 三里等七穴左治右右治左以取盡
風氣精神為度其病並依穴針灸或有不愈者一
則不中穴二則雖中穴刺之不及其分三則雖及
其分氣不至出針四則雖氣至不明補瀉故其病
或有隨針而卒者一則不知刺禁假令刺中心即

死之類是也二則不明脉候假令下痢其脉忽大者死不可刺之凡針灸者先須詳審脉候觀察病證然後知其刺禁辨其經絡穴道遠近氣候息數深淺分寸其病刺之獲時而愈者矣不可一途而取不可一理而推

治中風失音

刺任脉天突一穴在結喉下一寸宛宛中陰維之會針入五分次針手少陰經神門二穴在掌後兌

骨之端陷中刺入三分次針手少陽經支溝二穴
在腕後三寸兩骨之間陷中針入三分次針足少
陰經湧泉二穴在足心屈足卷指宛宛中針入五
分如舌急不語刺瘖門一穴在頂中央入髮際五
分宛宛中仰頭取之針入二分如舌緩不語刺風
府一穴在頂髮際上一寸大筋內宛宛中針入三
分

偏風

治偏風口喎手腕無力半身不遂欬嗽掌中熱口噤不

開

穴 列缺

治偏風口目喎牙車急

穴 下關

治偏風口面喎頸項痛不得顧小便赤黃喉痺頰腫

穴 完骨

治偏風口喎面腫

穴 承漿

治偏風口喎

穴 衝陽 地倉

治偏風口喎面痒浮腫風動葉葉狀如蟲行或唇腫痛

穴 迎香

治冷風濕痺風疹偏風半身不遂腰胯痛不得轉

穴 環跳

治偏風不遂熱風癰疹手臂攣急捉物不得挽弓不開
臂細無力筋骨酸疼又治手不得向頭

穴 肩髃

若灸偏風可七
七壯不宜多

治偏風半身不遂刺風疹疼痛冷緩捉物不得挽弓不

開屈身難隱脉風臂肘細無力

穴 曲池

治偏風不遂 穴 陽陵泉 環跳 曲池

治大風偏枯半身不遂 穴 照海

治偏風腰腿手足不仁 穴 上廉

治半身不遂 穴 下崑崙 委中

治偏風 穴 地倉 承山 上廉 下廉

治手足偏枯 穴 陰蹻

治猥腿半身不遂失音

穴 灸百會

半身不遂男女皆有此患但男尤忌左女忌右耳若得此疾後風藥不宜暫闕常令身上有灸瘡可也最忌房室或能如道釋修養方能保其無他若灸則當先百會顙會次風池肩髃曲池合谷環跳風市三里絕骨不必拘舊經病左灸右病右灸左之說但按酸疼處灸之若兩邊灸亦佳但當自上而下灸之

治偏枯手足不能伸

穴 刺委中

試効方云陝師郭巨濟病偏枯二指著足底不能伸
迎先師于京師治之至則以長鍼刺委中深至骨而
不知痛出血三升其色如墨又且繆刺之如是者六
七刺服藥三月病良愈

治偏風宜針下項七處灸亦得

穴 風池 肩髃 曲池 支溝 五樞

陽陵泉 巨虛 下廉

治風腰脚不隨不能跪起

穴 上膠 環跳 陽陵泉 巨虛 下廉

風勞

治風勞氣欬嗽胃中鬱鬱身熱目眩 穴 大杼

治風勞食氣 穴 大椎

治風勞嘔逆上氣胃背痛喘氣卧不安 穴 風門

治風勞腰脊痛 穴 膀胱腧

治風勞驚恐吐血肘臂痛嗜卧四肢不得動 穴 五里

治風勞臂肘不仁 穴 附分

治風勞失精身體極痛洩水下痢膿血陰腫骭痛

穴 曲泉

治風勞腰痛

穴 膀胱腧 關元腧

治風勞痺逆狂邪膝冷手節攣縮身癢疹腹脹少氣頭
重風勞 穴 伏兔 灸腦戶五壯針三分補之

治風勞發背癰疽

用麻繩一條蠟過從手中指第二節量至心坎骨
截斷須直伸臂折過自前項下取中纏至後心相

對合齊閉口量兩吻闊狹以此為則對灸七壯神効

風痙

治風痙 穴 顙顙

治風痙口噤牙疼頰腫惡寒舌強不能言 穴 大迎

治寒熱風痙脊強反折瘳痙 穴 瘳痙

治癰疾風痙牙斷腫善驚 穴 天衝

治熱痙引骨痛 穴 脾腧 膀胱腧

治瘕瘕沫出寒熱瘕引骨痛 穴 上關

治寒熱瘕反折 穴 腎膈 中膺膈 長強

治筋寒熱瘕筋急手相引 穴 肝膈

治瘕上氣失音不能言 穴 魚際 治反折 穴 腰膈

治角弓反張 穴 百會

治脊強反折 穴 上窻 腰膈

風眩

治風眩項痛頭強寒熱 穴 完骨

治卒不識人風眩鼻塞 穴 當陽 臨泣

治風眩 穴 後頂 玉枕 頷厭

治風眩擎手捲

甲乙手捲作手腕痛

泄風汗出腰項急 穴 陽谷

治風眩頭痛嘔吐心煩 穴 承光

治坐如在舟車中 穴 申脉

治風頭眩 穴 神庭 上星 顙會

治風眩 穴 天囟 前頂

治頭目風眩 穴 攢竹

王氏云千金方載徐嗣之言曰風眩之病起於心氣不足胃上蓄熱實痰熱相感而動風風心相亂則悶瞢故謂之風眩瞢大人曰癰小兒曰癰則是風眩癰癰本一疾也不知後人何為拆而三之予因分為三門且從為之辭以釋世醫之疑云

治醉酒風熱發兩目眩痛及治不能飲煩憊嘔吐

穴 率谷

治風眩 穴 天柱

治風眩心中恍惚不定

以繩橫度口至兩邊既得口寸數便以其繩一頭度鼻盡其兩邊兩孔間得鼻寸數中屈之取半合於口之全度中屈之先覓頭上廻髮當廻髮灸之以度四邊左右前後當繩端灸之前以面為正並依年壯多少一年凡三灸皆須瘡瘡又灸壯數如前若數處廻髮則灸其近當鼻者或廻髮近額一宜灸

治諸風眩暈

穴顙會灸七壯真頭痛者其痛上穿風府陷入于
泥九宮不可以藥愈夕發旦死旦發夕死蓋頭中
風人之根氣死絕也

風痺

治驚悸瘕瘕風痺臂肘痛捉物不得 穴 天井

治風痺手臂不舉肩中熱痛 穴 肩真

治風痺攣手臂不舉 穴 尺澤

治寒熱風痺項痛肩背急頭痛 穴 消灤

治風痺膝內痛引臍不可屈伸喉咽痛 穴膝關

治痿厥風痺頭重顛痛髀樞股骭痛瘕癰風痺不仁時

有寒熱四肢不舉 穴附陽

治風痺不仁 穴陽輔 陽關

治風痺 穴委中 又穴少海

治風濕痺 穴委中 下廉

治冷風濕痺及治卒病肉痺不知人 穴環跳

治週身痺大風 穴膈腧二穴各灸二壯

岐伯曰中風大法有四四曰風痺巢氏曰風寒濕三氣合而為痺風多者為風痺風痺之狀飢膚盡痛復手足不隨也治當以此求之速與續命湯依腧穴灸之

風癰

治癰風不識人羊鳴 穴 神庭

治風癰青風心風角弓反張羊鳴多哭言語不擇發時即死吐沫心熱悶頭風多睡心煩驚悸無力忘前失後食無味頭重飲酒面赤鼻及療登高而歌棄衣而走角

弓反張羊鳴吐舌

穴 百會

治風癰中風角弓反張或多哭言語不擇發即無時盛

即吐沫心煩驚悸

穴 百會

治風癰目在上不識人

穴 神庭 絲竹空

治心中煩悶熱風風癰浪言或作鳥聲不能食無心力

穴 巨關

治肌膚痛耳聲風癰

穴 會宗

治風癰 穴 脊中 湧泉

治風癰 穴 前頂

治風癰熱痛可瀉而後補 穴 上管

治風癰癰邪 穴 脊膂

治風癰 穴 湧泉 神封 強間

治癰病羊鳴吐舌 穴 天井

治馬癰張口搖頭馬鳴欲反折 穴 項風府

臍中灸三壯

治牛癰目正直視腹脹 穴 鳩尾骨 大椎各灸三壯

治羊癇喜揚目吐舌

穴 大椎灸三壯

治猪癇喜吐沫

穴 完骨兩旁各一寸灸七壯

治犬癇手屈拳攣

穴 兩手心 足太陽 肋戶各

灸一壯

治雞癇搖頭反折喜驚自搖 穴 足諸陽灸各三壯

治風癇

穴 神庭 脊膂

徐嗣曰風眩之病起於心氣不足胃上蓄熱實痰熱相感而動風風心相亂則悶瞽故謂之風眩瞽大人

曰癰小兒曰癰此方為治萬無不愈困急時但度灸
穴使大針鍼之無不瘥者初得針竟便灸最良余業
此以來三十餘年所救活者數千百人病此而死不

逢嗣故也

續命湯主眩發煩悶無知口沫出血體角
弓月反上口噤不得言竹瀝一升二合生

地黃汁一升龍齒沫生薑防風麻黃去節各四兩防
己附子炮三兩石膏十兩桂二兩右十味水一斗煮
三升分三服有氣加附子
一兩紫蘇五合摘皮一兩其諭風眩癰癰甚有理故

併其方附於此

更有意此湯
詳見千金方

但小兒癰非心氣不足

爾千金有風食驚癰三種本事有陰陽癰慢脾風三

證

慢脾即言食痢宜醒脾充人參散

古方有痢元治小兒百二十種

驚痢

荆芥穗一兩礬一兩半生半枯為末糊丸黍米大珠沙衣姜湯下二十九

吾謂慢驚

用來復丹急驚三痢丸食痢醒脾丸可也

治癰疾馬癰

穴金門 僕參

治目五般癰頭痛鼻塞

穴眉衝

治風癰熱病心風驚悸霍亂吐痢伏梁氣狀如覆杯

穴

上脘

一穴

三里

二穴

凡炎癰當先下便虛乃乘虛而灸之未嘗有實而灸

者氣逼前後不通殺人若身體不甚熱心腹不脹滿
便可灸之若壯熱滿者須先下後灸

癰癰

治卒暴癰眩足不任身 穴 天柱

治癰發瘕狂走不得心中煩

穴 攢竹 小海後頂 強間

治癰癰癰疾涎沫狂煩滿 穴 絲竹空 通谷

治癰癰 陰囊下谷道正門當中門灸隨年壯

治癲羊癇吐舌羊鳴戾頸 穴 天井 小海

治癲疾恆善驚羊鳴 穴 懸釐 束骨

治驚癇狂走癲疾

穴 筋縮 曲骨 陰谷 行間

治熱癇驚而有所見 穴 列缺

治失笑無時癲癇語不識尊卑乍喜乍哭牙關不開

穴 水溝

治發癇悲泣 穴 心膻

治驚癇狂走癲疾脊急強目轉上垂 穴 筋縮

治癲癇 穴 僕參 金門

治風癲癇邪 穴 脊中

治大人小兒五癇 穴 神門

治腫氣風癲癇風不識人羊鳴角弓反張披髮而上歌

下哭多學人語驚悸不安寢 穴 神庭

治癲癇吐舌沫出羊鳴 穴 少海

治癲癇 穴 肺腧 僕參

治狂癇風癇吐血 穴 胃管灸百壯不針

治狂癇不識人癲眩亂 穴 百會灸九壯

難經疏云狂病之後不愛眠卧不消飲食自言賢智歌樂行走此是陽氣盛之所為故經言重陽者狂今世以此為癲病謬矣癲病發即僵仆倒地故有癲蹶之言陰氣大盛故不得行立而倒也今世以為癲病者誤也其剖析癲狂之病曉然如此而人終不信豈亦傳習之誤難以改歟

凡發狂則欲走或自高貴稱神聖皆須備諸火灸之
乃得求瘥悲泣呻吟此則為邪非狂也自依邪方治
法

治驚風癲癇瘡病發搐神昏不語

穴百會灸七壯至七七壯量輕重加減艾壯。又
兩足外踝下赤白肉際陷中金門穴灸七壯至七
七壯

癲疾

治癲疾煩心悲泣

穴 解谿

治癲疾頭重

穴 瘕門

治癲疾頭面浮腫齒齲

穴 完骨

治頭痛癲疾風瘕牙斷腫善驚

穴 天衝

治癲疾脊強

穴 筋縮

治癲疾

穴 申脉 後谿 前谷

治癲疾嘔逆吐舌

穴 骨肉門

治癲疾吐沫

穴 本神 兌端

治癰疾寒痛

穴 飛揚

治寒熱癰疾

穴 承山 崑崙

治癰疾不可尚手臂不得尚頭

穴 尺澤

治癰疾

穴 解谿 陽驕

治癰疾嘔

穴 神庭 上星 百會 聽會

聽官 偏厯 攢竹 身本 築賓 陽谿

後頂 強間 腦戶 絡却 玉枕

治癰疾嘔沫寒熱瘕互引

穴 兌端 斷交 承漿 大迎 絲竹空

顙會 天柱 商立

治寒熱悽愀鼓頤癰瘰口噤 穴 承漿 大迎

治癰疾膝氣 穴 臑會 申脉

治癰疾手臂不得尚頭 穴 尺澤 然谷

治癰疾多言耳鳴口僻 穴 偏厯

治癰疾互引善驚羊鳴 穴 懸釐 束骨

治癰疾大瘦頭痛 穴 腦空 束骨

治頭痛癰疾互引數驚

穴 天衝

治心中憤憤數欠癰心下悸恐咽中澹澹 穴 通谷

治寒熱癰仆 穴 風池 聽會 復溜

治癰疾僵仆狂瘡 穴 完骨

治癰疾 穴 曲池

治狂癰 穴 灸胃脘 或灸巨陽

王氏云有人患癰疾發則僵仆在地久之方蘇予意其用心所致多灸百會又疑是痰厥致僵仆為灸中

管其疾稍減未除根也後關脉訣後通真子有愛養
小兒謹護風池之說人來覓灸癰疾必為之按風池
穴皆應手痠疼使灸之而愈

小兒癰悲
加可灸此

治卒癰疾

兩乳頭灸三壯 足大指本業毛中灸七壯

足小指本節灸七壯

治狂癰癰疾 穴 足少陽灸隨年壯

治癰

背第二傾及下窮骨兩處以繩度中折繩端一處
是脊骨上也凡三處畢復斷繩作三折令各等而
參合如某字以一角注中央灸下二角俠脊兩邊
凡五處各一百壯削竹皮為度勝於繩足大指上
聚毛中又灸七壯

陰囊下縫又灸二七壯 兩乳頭又灸三壯

督脉又灸三十壯三報 天臆又灸至三百壯

炷惟小作

百會又灸至三百壯 耳上髮際又灸各五壯

驚癇

治驚癇戴目上不識人 穴 顙會

治驚癇破心吐血 穴 巨骨

治心驚癇發狀如鳥鳴破心吐血中氣悶不喜聞人語

心痛腹脹 穴 鳩尾

治驚癇吐舌沫出 穴 少衝

治驚癇癲狂身寒熱頭痛目眩 穴 束骨

治驚癇狂走癲病多言脊強兩目轉上及目瞪

穴 筋縮

治狂邪驚癇及驚狂走

穴 承命灸三十壯

治狂癲風驚厥逆心煩

穴 巨陽灸五十壯

治驚癇

穴 行間

治驚風

穴 完骨

風癲狂

附論

黃帝問曰人生而病癲疾者安所得之岐伯對曰此得之在腹中時其母有所數大驚也氣上而不下精氣并

居故令子發為癲疾病在諸陽脉且寒且熱諸分且寒
且熱名曰往刺之虛脉視分盡熱病已止病癲初發歲
一發不治月一發不治四五日一發名曰癲疾刺諸分
其脉尤寒者以鍼補之病已止癲疾始生不先藥頭重
直視舉目赤其作極已而煩心候之於顏取手太陽陽
明太陰血變而癲疾始發而反強因而脊痛候之足太
陽陽明太陰手太陽變血而已癲疾始作而引口啼呼
者候之手陽明太陽右強者攻其左左強者攻其右血

變而止治癰疾者常與之居察其所當取之處病至視之有過者即瀉之置其血於瓠壺之中至其發時血獨動矣不動灸窮骨二十壯窮骨者尾骶也筋癰疾者身拳變急脉大刺項大經之本嘔多涎沫氣下泄不瘳癰疾者暴仆四肢脉皆脹而從滿脉盡刺之出血不滿俠項灸太陽又灸帶脉於腰相去三寸諸分肉本腧嘔多涎沫氣泄不瘳

法

治癲狂吐舌

穴 飛揚 太乙 滑肉門

治風狂

先以錢五枚內頭髻中以器盛之水新布覆之橫
大口於上乃矜莊呼視其人其人必欲起走慎勿
聽因取水一噴之一呵視三次乃熱拭去水指彈額
上迎髮際間欲愈乎真人必不肯答如此二七彈
乃答仗鍼刺鼻下人中近孔內側空停針兩耳根
前宛動中停針又刺鼻直上入髮際一寸橫刺又

刺鼻直上醒悟乃止

治狂易多言不休

穴 風府 崑崙 束骨

治風癲

兩乳頭

灸各三壯

又大指甲後聚毛中

灸各七壯

治狂仆

穴

溫溜

掖門

京骨

治笑若狂

穴

神門

陽谷

治風熱喜怒心中悲喜思慕歔歔喜笑不止

穴 勞宮

太陵

治癲疾吐舌鼓頷狂言見鬼

穴 溫溜

僕參

治癲發如狂面皮敦敦者不治及療癲狂 穴長強

治狂走欲自殺及目注視 穴風府 肺腧

治驚癇狂走癲疾 穴筋縮 曲骨 陰谷 行間

治狂走癡癡恍惚不樂 穴終却 聽會 身柱

治癇癡癡狂走不得卧 穴攢竹 小海 後頂 強間

治狂妄行登高而歌棄衣而走 穴衝陽 豐隆

治狂易多言不休目上反 穴天柱 臨泣

治狂言 穴止正 魚際 合谷 少海 曲池 腕骨

治狂言非常

穴 下廉 丘墟

治狂易妄言怒罵

穴 巨闕 築賓

治吐舌戾頸妄言

穴 陽谿 陽谷

治驚狂喜悲面赤目黃瘡不言

穴 間使

治驚癇狂走癲疾脊急強目轉上垂

穴 筋縮

治癲疾強走

穴 陽谷 身柱 腦空 京骨

治狂走欲自殺目反妄視

穴 風府

治癲狂

穴 束骨

治卒狂

穴 光明

治尸厥癲邪神狂鬼魅

穴攢竹

治久狂登高而歌棄衣而走

穴衝陽

治卒狂胃中澹澹惡風寒嘔吐怵惕寒中少氣掌熱腋腫肘變及瘵卒狂驚悸

穴間使

治小腹熱欲走

穴胃脘

治發狂吐涎沫

穴絲竹空

治癲疾狂走心煩吐舌

穴太杼

治癲疾狂走

穴陽谷

治心中風狂走發癇語悲泣心胃悶亂煩滿汗不出結
積寒熱嘔吐不下食欬唾血 穴 心膻

治狂易 穴 完骨

治發狂不識人驚悸少氣 穴 巨關

治發狂 穴 曲泉 膏肓

治身熱狂悲哭 穴 神門

治寒厥驚狂 穴 陽交

治目眩發狂嘔吐涎沫煩不得顧 穴 少海

治風虛狂易

穴 支正

治狂言不樂

穴 太陵

治妄言左右顧瘈瘲目眩

穴 陽谷

治狂言喜笑見鬼

穴 陽谿

治癲癇狂言見鬼

穴 僕參

治癲疾多言

穴 偏歷

治癲疾吐涎狂言見鬼又治癲癇吐舌鼓頷狂言

穴 溫溜

治狂言 穴 下廉

治癲疾狂言又治小兒癲病吐舌 穴 築賓

治卒面腫煩心狂言 穴 公孫

治狂言口僻 穴 太淵

治驚悸妄言 穴 液門

治吐舌戾頸妄言不得左右顧瘖瘖頭痛目痛

穴 陽谷

治癰病多言 穴 筋縮

治癲癇狂歌不擇言

穴 鳩尾

治鬼邪魅及癲狂語不擇尊卑

灸上唇裏面中央內絃上一壯炷如小麥又用鋼
刀決斷更佳

治語不識尊卑

穴 水溝

治妄言

穴 掖門

治狂言恍惚

穴 天樞灸百壯

治狂邪發無常披頭大喚欲殺人不避水火及狂言妄

語驚飛歌哭

穴 間使灸三十壯

治狂癲鬼語

穴 足太陽灸四十壯

治狂癲驚走風恍惚嗔喜罵笑歌哭鬼語

穴 腦戶

風池

手陽明

太陽

太陰

足陽明

陽驕

少陽

少陰

陰驕

足跟 悉灸皆隨年壯

治狂走刺人或欲自死罵言不息稱神鬼語

灸口吻頭赤白際一壯 又兩肘內屈中五壯

又背胛中間三壯報灸之倉公法神効

治卒狂言鬼語

以飢大急合聯兩手大指便灸左右脇下對屈肘
頭兩處火俱起各七壯須臾鬼自到姓名乞徐徐
問之乃解其手

治卒狂鬼語 針其足大拇指甲下入少許即止

治邪病語不止及諸雜候

穴人中 凡人中惡先掐鼻下是也

治邪鬼妄言

穴 懸命灸十四壯

治肺中風狂言狂邪鬼語

穴 天窻 伏兔

治悲泣鬼語

穴 天府 慈門

王氏云有四人妄語異常且欲打人病數月矣予意其是心疾為灸百會百會治心疾故也又疑是鬼邪用李承祖灸鬼邪法併兩手大拇指用軟帛繩急縛定當肉甲相接處灸七壯四處皆着火而後愈更有二貴子亦有此患有醫僧亦為灸此穴愈

治狂走癲疾

穴 項後二寸灸百壯

治狂走癡

穴 玉枕上三寸灸百壯

一法項後一寸灸百壯

治狂走驚癇

穴 河口灸五十壯

治狂走癲疾

穴 大幽灸百壯

治狂走癲癇

穴 季肋端灸三十壯

治狂走喜怒悲泣

穴 巨覓灸隨年壯

治狂走驚恍惚

穴 足陽明灸三十壯

治狂走易罵

穴 百會灸隨年壯

治狂走 穴 筋縮

治邪病大喚罵走遠 穴 三里

治狂走癲厥如死人 穴 足大指聚毛中灸九壯

治狂走易氣 穴 灸絕骨

凡鬼語狂走當依法灸之若傷寒鬼語癲狂惟宜用
四物湯加黃耆等分七八錢重作一服水一碗煎七
分服滓即用水一碗煎半碗連服嘗用之屢神効故
附著於此

治卒發癲狂病

陰莖上宛宛中灸三壯得小便通則愈

陰囊下縫灸二七壯

治狂風罵詈打人灸熱陽風

灸口兩吻邊燕口處赤白際各一壯又陰囊縫三十壯仍勿近前中狠核恐害陽氣也

癲邪

治神邪鬼魅

穴

灸間使

又穴攢竹

治狐魅神邪及癲狂病醫治不瘥者

併兩手大指用軟絲繩急縛灸三壯艾炷著四處
半在甲上半在肉上四處盡燒一處不齊燒疾不
愈神効小兒胎癰妳癰依此灸一壯炷如麥

治狂言見鬼

穴

陽谿

僕參

溫溜

治狂邪鬼語

穴

天窻灸九壯

或伏兔百壯

治悲泣鬼語

穴

天府灸五十壯

治悲泣邪語鬼忙歌哭

穴

慈門灸五十壯

治卒中邪魅恍惚振噤

灸鼻下人中及兩手足大指爪甲本節令艾炷半
在爪上半在肉上各七壯不止十四壯炷如雀屎

治風邪 穴 間使灸隨年壯 承漿又灸七壯

三里又灸七壯

治鬼魅 灸入髮一寸百壯 間使手心又各灸五十壯

治狐魅 合手大指縛指灸合間使三七壯當狐鳴即瘥

治邪病卧瞑瞑不自知 穴 風府

治邪病鬼癲四肢腫 穴 顙上

治邪病四肢腫痛諸雜候 穴 尺澤

治狂癇哭泣 穴 手逆注艾三十壯

癲癇瘕瘕

治瘕瘕裏急腰腹相引痛 穴 命門

治瘕瘕氣實脇滿 穴 大杼

治瘕瘕不仁 穴 屋翳

治瘕瘕 穴 陽谷 又穴曲澤 又穴少澤

治瘕瘕脚酸 穴 承筋

治瘈瘲癲疾

穴 少澤 曲池

治癲疾瘈瘲怒欲殺人身熱狂走調言見鬼 穴 身柱

治癲瘈

穴 商丘

治癲發瘈瘲狂走

穴 攢竹 少海 後項 強間

治癰瘈口閉不開

穴 崑崙

治驚瘈

穴 陽谿 井肩

治瘈瘲而驚

穴 解谿

治瘈瘲沫出寒熱瘕引骨痛

穴 上關

治瘕癥引臍腹短氣

穴 巨關 照海

治骨瘦眩狂瘕癥口噤喉鳴沫出瘡不能言

穴 腦戶 聽會 聽官 風府 醫風

治脊強反折瘕癥癰疾頭痛

穴 五處 身柱 委中 委陽 崑崙

治狂走瘕癥恍惚不樂 穴 跗腳 聽會 身柱

治寒熱風瘕脊強反折瘕癥癰疾頭重 穴 瘕門

治頭風目眩瘕癥目戴上不識人 穴 五處

治瘕瘕口喝

穴 巨膠

治瘕瘕口沫出目眩牙車不開口噤

穴 上關

治臂痛瘕瘕咳嗽頸項急不可顧

穴 少澤

治瘕瘕

穴 付陽 天井

治驚風瘕瘕五指掣

穴 腕骨

治癰病瘕瘕身熱目眩項急卧不安

穴 大椎

治癰癰瘕瘕

穴 陽驕

晝發者灸二七壯

陰驕 夜發者灸二七壯

風疹

治風疹臂肘腕善動搖

穴 曲澤

治熱風癰疹及刺風風虛

穴 肩髃

治風癰疹舉體痒如虫行搔之成瘡

穴 曲池 隨年壯灸

治風疹

穴 湧泉 環跳

治刺風疹熱風冷痺

穴 下崑崙

治刺風疹疼痛

穴 曲池

治癰疹

穴 伏兔

治大小人偏身風疹

穴 合谷 曲池

資生經云人有風疹多必眼暗先攻其風其暗自瘥然則人之目暗亦有多因風疹而得者風疹可不先治乎

治風熱赤疹癢搔之逐手作瘡

以一條艾蒿長者以兩手極意尋之着壁立兩手并蒿芊拓着壁伸十指當中指頭以大艾炷灸蒿

芋上令蒿芋斷即止灸十十瘡瘡後重發更依法
灸永瘡

治癰疹 穴 曲池 灸隨年壯

治頭痛癰疹

穴曲池二穴各灸年壯發即灸之神良。又兩手
約指中理左右及手足指兩虎口中各灸隨年壯
一云各灸三壯

歷節風

治歷節汗出 穴 後頂 飛揚 湧泉 頷厭

治歷節風足指不得屈伸頭目眩逆氣 穴 飛揚

資生經云射香丸尤治白虎歷節諸風疼痛遊走無定狀如虫行晝夜劇許叔微在歙川有一貴家婦人遍身走注疼痛至夜則發如蟲啗其肌多作鬼邪治王氏曰此正歷節病也三服愈

治體痛癢如蟲啗搔之皮便脫作瘡

穴 曲池 灸七壯又隨年壯

王氏云良方服治癩藥半月兩膝眼灸二七壯丞相
長安公醫人無數麻風惡疾千金諸方藥甚多或効
或不効惟蕪絲細末地暴米糊丸梧子大日二三服
每服四五十丸茶湯下調藥末服尤効速只難服爾
病去後亦宜服屢施與人神効若更灸曲池合谷三
里絡骨等穴尤佳予與人按此等穴皆痠疼故也

普濟方卷四百十七

欽定四庫全書

普濟方卷四百十八

明 周王朱橚 撰

鍼灸門

傷寒

治熱病先腰脛酸喜渴數飲身清清則項痛而寒且酸
足熱不欲語頭痛顛顛然

先取湧泉及太陽并榮熱中少氣厥寒火之熱去
灸湧泉三壯煩心不嗜食灸湧泉熱去四逆喘氣

偏風身汗出而清皆取挾谿

治溫病身熱五日以上汗不出

刺太泉留針一時取針若未滿五日者禁針

凡好太息不嗜食多寒熱汗出病至則喜嘔嘔已乃衰
即取公孫井俞實則腸切痛厥頭而睡起煩心狂
多飲不嗜卧虛則鼓脹腹中氣大滿熱痛不嗜食
霍亂公孫主之

治熱病煩心足寒清多汗

先取然谷

後取太谿

皆先補之

資生經云凡溫病可針刺五十九穴又身之穴六百五十有五其三十六穴灸之為害七十九穴刺之為災

治溫病

穴 顓顓

災陰毒傷寒法 其狀不躁不渴唇青腰脊重咽喉及目睛痛心腹煩疼舌縮面青吃噫氣喘嘔逆冷汗向暗不語以生蔥約十餘莖去根粗皮顓倒紙卷徑闊二寸勿令緊欲通氣以快刀切每一餅子高半寸安在臍

心用熨斗火熨葱軟易之不過十餘次患人即甦
後服正氣藥

灸結胃傷寒法 其狀胃滿短氣按之即痛或吐逆滿
悶或大便不通諸藥不能救者

以巴豆七粒和皮肥黃連七寸去鬚同搗爛作一丸
安在臍心上以手按之稍實捻艾皂子大於藥上灸
甚者不過三五壯立愈續用補藥一二日若病半月
微有氣皆療

治氣虛陽脫體冷無脉氣患欲絕不省人事及傷寒陰厥百藥不効葱熨法

以葱用索纏如盞許大切去根及葉惟存白長二寸許如大餅餡先以火熳一面令通熱艾勿令灼人及以熱處搭病人臍連臍下其上以熨斗滿貯火熨之令葱餅中熱氣熨入肌肉中須預作三四餅一餅壞不可熨又易一餅良久病人當漸醒手足溫有汗則瘥更服四逆湯俾溫其內萬萬無憂

王氏云予伯兄病傷寒冥冥不知人七八日四體
堅冷如石藥不可復入用此法遂瘥集賢校理胡
全夫用此極人之危不可勝數

初得病或先頭痛身寒熱或瀉瀉欲守火或腰背強直
面目如飲酒狀此傷寒初得一二日但烈火灸心下三
處 穴 巨關 上管 胃管

各灸五十壯大人可五十壯小兒可三壯亦隨其
年灸之大小以意斟酌

治傷寒若病者三四日以上

宜先灸胃上二十壯 又灸顙顙二穴

又灸風池二穴 又灸太衝三十壯神驗

又灸肝膈百壯餘處各三十壯 又以繩度鼻正上

盡髮際中屈繩斷去半便從髮際入髮中灸繩頭

名曰天聰

資生經云凡傷寒惟陰證可灸餘皆當鍼故千金方
惟云刺取而素問亦云病甚者為五十九刺所以瀉

諸陽胃中胃中四肢五臟之熱也若溫病身熱五日以上汗不出可刺太泉未滿五日禁鍼刺而千金於頭痛身寒熱病及灸巨關上中管三處豈亦是陰證耶其狀蓋云咸瀦瀦欲守火是也醫者當辨之

治熱病卒中懊懣數欠頻伸悲恐目眩頭痛面赤而熱心悸肘臂臑痛實則肢腫虛則不能言若咽喉痺少氣遺溺 穴 通里

療天行傷寒 穴 中管

治傷寒嗜卧怠惰不欲動搖身常濕不能食 穴 膈腧

治熱病煩滿上氣心痛痰冷少氣悲恐善

一作喜

驚及掌

胃痛口熱咽酸乍寒乍熱手攣不伸引眼痛 穴 少衝

治傷寒餘疾皮膚乾燥 穴 曲池

治熱病先不樂數日 穴 通里

治熱病振慄鼓頤腹滿陰痿色不變 穴 魚際 陽谷

治氣膈喜嘔鼓頤不得汗 穴 尺澤

治頭身熱赤振慄腰中四肢淫灑欲嘔 穴 腎腧

治氣熱身熱喘寒熱口乾身熱喘息目急痛善驚

穴 三間

治熱病寒慄鼓頤腹滿陰痿色不變 穴 魚際

治熱病煩心心悶汗不出掌中熱心痛身熱如火舌本

痛 穴 中衝 少衝 關衝 勞宮 大陵

陽谿 天竅 間使

治熱病煩心喜噦胃中澹澹喜動而熱 穴 間使

治煩心喜嘔 穴 巨關

治傷寒溫病身熱煩心口乾 穴 曲澤

治熱病先腰脛酸喜渴數飲食身熱項強痛振寒寒熱
頸項腫實肘肘攣頭眩痛虛則生疣小者如疥

穴 支正 少海

治振寒頸項痛 穴 天井

治熱病俠脊痛 穴 委中

治傷寒頸項強目瞑多噎鼻鼾出清涕 穴 風門

王氏云陰毒沉困藥餌難為功但灸臍中三百壯艾

如半棗手足不煖不可治也或心迷耳聾叫不應因
食冷得疾者予以理中湯救數人矣若復渴則煎五
苓散與服或煎人參湯服皆効又云傷寒多從風寒
得之始表中風寒入裏則不消矣未有溫覆而不消
也

治傷寒結胸 穴 支溝 間使 行間

治傷寒在表發熱惡寒頭項痛腰脊強無汗尺寸俱浮

穴 合谷

治傷寒飲水過多腹脹氣喘心下痛不可忍

穴 中管 氣海

治傷寒少復上有氣衝者

穴 天樞 氣衝 三里 三陰支

治傷寒手足逆 穴 大都 內庭 大谿 行間

治傷寒交汗不出 穴 風池 俠谿 魚際 經渠 內庭

治傷寒胸中熱不已 穴 大杼 風門 中府 缺盆

治傷寒胃中熱不已 穴 中脘 三里 上廉 下廉

氣衝

治傷寒四支熱不已 穴 雲門 肩髃 委中 腰膕

治急食不通并傷寒水結 穴 三間 合谷 承山

治陰證傷寒四支厥冷腹痛吐痢身強煩躁自汗脉沉細
或面赤凡三陰中寒皆灸之

穴 陷谷 灸二三七壯體溫脉通汗出効不爾再
灸加艾倍之

治卒得食病似復寒其人但欲卧七日不療殺人

右按其脊兩邊當有陷處止灸陷處兩頭各七壯則愈

治傷寒始得一二日

右便可灸頂三壯又灸大椎三壯各加至五炷益良用之驗大椎平肩針齊高大者是也仍不得侵項分取之則非也上接項骨下肩齊在椎骨節上是餘穴盡在節下凡灸刺不得失之毫釐今崔氏不定高下是以言之出黃帝鍼灸經

治斷溫病令不相染着及治時氣瘴疫

右用蜜艾灸病人床四角各一壯不得令知之佳也

治陰毒傷寒灸法

用乾艾葉搗熟去灰作艾炷灸臍下一寸三分名
氣海二寸丹田三寸關元五十壯至三百壯以手
足漸溫人事稍甦為可治

治陰證傷寒灸法

於臍下一寸氣海穴灸一七壯小作艾炷於臍下

以鹽填實灸七壯立効二寸丹田三寸關元皆可

灸

治熱病後發豌豆瘡

灸兩手腕硯子骨灸上三壯男左女右

治傷寒熱盛煩嘔 穴 大椎

治熱病偏頭痛引目外眥 穴 懸釐 鵠尾

治時氣病起諸復勞灸法

男初覺便灸陰三七壯若已疾甚至百壯即愈眼

無妨陰道瘡復常

治傷寒熱甚五十九刺

五十九刺者為頭上五行以尅越諸陽之熱也

穴 大杼

膺腧

缺盆

背腧

此八者以瀉胃中之熱也

氣衝

三里

巨虛

上下廉

此八者以瀉胃中熱也

雲門偶骨

委中

隨空

此八者以瀉四支熱也

臍腧傍五

此十者以瀉臟之熱也

凡此五十九穴者背之左右故病甚則當刺之凡刺之法吸則納針得氣則瀉勿令遲緩起似發機

故鍼經曰熱者疾之刺熱病汗不出

夫傷寒熱病汗不出者榮衛不交陰陽不和故汗不出
當刺結雪穴通其經脉和其陰陽令汗得出

手陽明有商陽合谷 手太陽有腕骨陽谷

足少陽有俠谿 足陽明有厲兌 手厥陰有勞

宮。凡此七穴皆刺熱病汗不出隨經辨脉調其
陰陽和其榮衛令得汗出又十二經之榮皆治身
熱為主身熱背南方火故經曰榮主身熱皆可刺

也

刺傷寒結胃痞氣

傷寒下後結胃痞氣者皆足三陰之終手三陰之始胃中結痞過在足少陰腎手厥陰包絡刺兩經之井原以瀉胃中之氣心中結痞過在足太陰脾手少陰心刺兩經之井原以瀉心中之氣胃中結痞過在足厥陰肝手太陰肺刺兩經之井原以瀉胃中之氣或上腕中腕下應痞結而瀉

治傷寒三陽頭痛法

傷寒三陽頭痛何法刺之答曰手之三陽足之三陽皆會於頭者謂諸陽之會其受邪伏留而不去故曰三陽頭痛視其色脉知在何經而取之

如脉浮而頭痛過在手足太陽刺穴腕骨京骨

如脉浮而長過在手足陽明刺穴合谷衝陽

如脉浮而弦過在手足少陽刺穴陽池丘墟

風府風池已上數穴刺三陽之頭痛法也

治傷寒三陰腹痛法

傷寒邪在三陰內不得交通故為腹痛手足之經
皆會於腹隨經取之

如脉弦而腹痛過在足厥陰肝手太陰肺刺

穴 太衝 太陵 太淵

如脉沉而腹痛過在足少陰腎手厥陰心胞刺

穴 太谿 太陵

如脉細沉而腹痛在足太陰脾手少陰心刺

穴 太白 神門 三陰交

已上數穴刺三陰腹痛之法也

灸少陰原救脉法

治傷寒陰病脉欲絕當灸太谿穴太谿者足少陰
腎之原少陰病属水陰氣太盛陰氣不得管故瀉
陰補陽陰毒傷寒體沉四肢俱重腹痛脉微遲當
灸氣海或關元脉属少陰故同法瀉陰補陽也

辨傷寒藥附鍼灸法

傷寒經與表合鍼與藥自汗遂漏不止刺風府風池却與桂枝湯傷寒經與裏合灸太谿七壯與通脉四逆湯此太陽少陰表裏之法故表可鍼太陽也裏可灸少陰也

傷寒刺期門

太陽病頭痛眩冒心下痞者刺肺腧肝腧不可發汗發汗則譫語不止當刺期門穴。頭痛目眩太陽經病可發汗心下痞滿邪傳裏也不可發汗刺

肺膺奪其邪氣二穴皆在陽經也是高下之刺也
妄發其汗內亡津液傳屬陽明故譏語不止未太
實者當瀉肝經刺期門恐傳於脾胃也

傷寒腹滿譏語寸口脉浮而緊此肝乘脾也名曰從刺
期門

腹滿譏語太陰陽明經也脉浮而緊肝脉也故夫
乘妻名曰從當刺期門

傷寒發熱啗啗惡寒大渴飲水其腹必滿自汗出小便

利肝乘肺也名曰橫刺期門

發熱嗇嗇惡寒者肺病也大渴者上焦有熱也自汗者表虛也小便利者裏和也妻未乘夫名曰橫當刺期門

灸傷寒咳逆法

十便良方云有患霍亂吐痢者垂困忽發欬逆半月之間遂至困始有人云有灸欬逆法凡傷寒及患疾得咳逆皆為惡候投藥皆不効者灸之必愈予遂令

灸之火至欬逆已定其法乳下一指許正與乳相直
骨間陷中婦人即屈乳頭齊處是穴艾炷如小豆許
艾三壯男灸左女灸右只一處火到當即瘥若不瘥
則多不效矣

治脉微細不見二時無脉者

以圓利鍼刺足少陰經復溜二穴在內踝上二寸
陷中鍼至骨順鍼往下刺之候迴陽脉生大乃出
鍼

治傷寒飲水過多腹脹氣喘 穴 中脘

治熱病身痺洒淅振寒季脇支滿痛

穴 刺陷谷足先寒上至膝乃出鍼

治傷寒氣熱身熱喘 穴 三間

治傷寒過經不解

刺足厥陰經期門二穴使經不傳凡治傷寒辨其
足三陰三陽經審而刺之仲景傷寒傳足經不傳
手經此之謂也

傷寒頭痛

治傷寒寒熱頭痛嘔血肩不舉

穴 溫溜

治熱病頭痛身熱引目外眥而急煩滿汗不出引頷齒

面赤皮痛 穴 懸顙

治熱病偏頭痛引目外眥 穴 懸釐

治振寒小作不時頭痛 穴 少澤

治身熱頭痛進退往來 穴 神道 闕元

治頭痛食不下 穴 三焦腧

治熱病先頭重項痛煩悶身心熱熱甚則腰痛不可俛仰又熱病滿悶不得卧身重骨痛不相和 穴 太白

治傷寒身熱頭痛噦逆肩不得舉 穴 溫溜

治頭痛 穴 魚際 掖門 中渚 通理

治頭痛 穴 天池

治頭眩痛 穴 支正

治頭痛顛顛然 穴 通泉

治頭痛汗不出 穴 魚際

資生經云治傷寒頭痛藥多矣惟濃煎五苓散服必
効不必鍼灸予屢與人皆效故也

治頭痛 穴 風池

傷寒寒熱

治熱病先腰脛酸喜渴身熱項強振寒寒熱頸項腫實
則肘攣虛則生疣痂 穴 少海 支正

治傷寒溫病身熱煩心口乾心膽善驚手清逆氣嘔唾
肘癰善搖頭顏青汗不過眉 穴 曲澤

治氣熱身喘寒熱口乾喘息口急痛善驚 穴三間

治寒熱項適歷耳鳴無聞引缺盆肩中熱痛麻木不舉

穴肩貞

治傷寒餘熱不盡 穴曲池

治寒熱好嘔 穴商丘

治寒熱皮肉骨痛少氣不得卧

穴中府

膈腧

又云膈腧主噎卧患墮不欲動搖身常熱不能食飲

治寒熱悽索氣上不得卧 穴支滿 肩井 關衝

治寒熱掌中熱 穴 列缺

治傷寒振寒頸項痛 穴 天井

治振寒而欠 穴 衝陽

治身熱惡寒 穴 後谿

治傷寒熱盛煩嘔 穴 大椎

寒熱

治骨寒熱汗注不止 穴 復溜

治寒熱解散淫瀼頸酸四肢腫痛少氣難言 穴 至陽

治身解寒淫樂骭酸不能久立 穴 光明

治寒熱風痙脊強反指 穴 痙門

治洒淅寒熱 穴 陶道 神堂 風池

治洒淅畏寒厥逆 穴 陰郛

治洒淅惡風寒虛熱舌黃身熱頭痛咳嗽汗不出痺走

胷背痛不得息 穴 魚際

治發寒熱 穴 浮白

治頭重身熱 穴 腎腧

治身熱頭重脇痛不得轉側 穴 顙顙

治身熱 穴 太白 陽綱

治身體煩熱 穴 曲差

治勞疾羸瘦體熱 穴 腦空

治寒熱胃膈滿 穴 天池

治乍寒乍熱 穴 少衝

治寒熱喘滿 穴 肺腧

治寒熱 穴 神道 少海

治振寒

穴

膽膈

治洒淅振寒

穴

臨泣

治虛熱洒洒毛豎惡風舌上黃身熱欬嗽喘痺走胃背
不得息頭痛甚汗不出熱煩少氣不足 穴 魚際

治寒熱骨痛

穴

膈膈

治身寒熱

穴

天突

治身寒熱引項強急

穴

腦空

治寒熱

穴

飛揚

光明

治臟腑積聚心腹滿腰背痛飲食不消吐逆寒熱往來
小便不利羸瘦少氣

穴 三焦腧隨年壯

又胃管穴

灸百壯及至千壯止

治四肢寒熱腰疼不得俛仰身黃腹滿食嘔舌根直

穴 脾腧并椎三穴各灸七壯

治盜汗寒熱惡寒

穴

肺腧

隨年壯針五分

陰都百壯

治多汗寒熱

穴

玉枕五十壯

治三焦寒熱

穴

小腸腧灸隨年壯

治膀胱三焦津液下大小腸寒熱赤洩洞痢腰脊痛小便不利婦帶下 穴 三焦腧灸五十壯

治身體腰脊如解及治寒熱

先灸項大顙以年壯數次灸腰骨尾竅骨也以年

為壯數視皆顧陷者灸之舉背肩上陷者灸之 二髑

也兩季脇之間灸之 章門 穴也 外踝上絕骨之端灸之

陽蘇 穴也 足小指次指間灸之 使谿 穴也 缺盆骨上切之

堅痛如筋者灸之 纏關 其名 臑下陷脉灸 承筋 穴也 外踝後

灸之

崑崙穴也

膈中陷骨間灸之

天突穴也

掌束骨下灸之

陽池穴也

臍下三寸灸之

關元穴也

毛際動脉灸之

氣待穴也

脉

下三寸分間灸之

三里穴也

足陽明跗上動脉灸之

陽衝

穴也

顛上一寸灸之

五會穴也

治身體腰脊如解

穴 湧泉

傷寒熱氣

治腹痛而熱

穴 行間

治腹中熱 穴 中極

治五臟熱及身體熱脉弦急

灸第十四椎與臍相當五十壯老小增損之若虛

寒至百壯橫三間寸灸之

治身熱腹痛 穴 氣衝

治腹中熱渴

穴 刺中管穴亦不可容易鍼

治腹中大熱不安 穴 氣衝

治寒熱入腹 穴 關元

治久冷 穴 天樞灸百壯

治腹寒 穴 陰陵泉 三陰交

治腹中寒熱 穴 隱白

療熱風冷痺 穴 下廉

治寒熱 穴 痃門 治寒熱 亦主下部寒熱 穴 飛揚

治乍寒乍熱 穴 少衝

治但是積冷虛之病 穴 關元

治臟腑久積冷氣心腹脹滿 穴 三里

治久積冷氣繞臍切痛時上衝心 穴 天樞

治冷氣 穴 中極 又穴 漏谷 會陽

治六腑氣寒不嗜食 穴 下管

治冷氣上衝心 穴 氣海

治腹中寒冷氣脹滿 穴 隱白

治上氣冷發腹中雷鳴 穴 大衝

治結氣寒冷 穴 太倉灸百壯

治臍下絞痛流入陰中發作無時此冷氣也

穴 關元灸百壯

治心下寒 穴 商丘

治心寒冷氣上 穴 鳩尾 少衝 商丘

龍頷灸百壯

治寒厥驚狂 穴 陽交

治腹寒氣滿 穴 衝門

資生經云五勞六極復生七傷變生七氣積聚堅牢

如久留在腹內心痛煩寃不能飲食時來時去發作
無常寒氣為病則吐逆心滿熱氣為病則恍惚悶亂
長如眩冒又復失精宜服和劑局方七氣湯若冷氣
忽作藥灸不及只用火鍼微刺諸穴與疼處須臾即
定神效

治胃中熱 穴 三里灸三十壯

治三焦膀胱腎中熱氣 穴 水道灸隨年壯

身寒痺

治身常濕 穴 膈腧

治身濕 穴 豐隆

治身濕搖時時寒 穴 曲池 列缺

治卒痺病引臍下節 穴 曲泉

治膝股重 穴 合陽

治身濕痺不能行 穴 漏谷

治濕痺不腫髀筋急項頸痛 穴 懸鐘

治髀樞痛膝脛骨搖酸痺不仁筋縮諸節酸澣

穴 絕骨

治身痺洒浙振寒

穴 臨泣

治骨痺煩滿

穴 商丘

治身體不仁

先取筋骨後取中封絕骨皆瀉之

治痿厥身體不仁少氣濕重腠腫

穴 中封

治緩縱痿痺膈腸疼冷不仁

穴 風市

治寒氣在分肉間痛苦痺不仁

穴 中瀆

治膝外臄痛不可屈伸脛痺不仁

穴 陽關

治酸痺不仁身重 穴 絕骨

治冷風濕痺 穴 環跳

治濕痺 穴 條口 治風濕痺 穴 委中

治寒濕內傷 穴 下膠

治偏風熱風冷痺不遂風濕痺

穴 下廉灸瘡瘡冷痺即已

治痺走胃背 穴 魚際

治冷痺脛膝疼腰脚攣急足冷氣上不能久立有時厭

厭嗜卧手足沉重日覺羸瘦名復連病令人極無情況
常愁不樂健忘嗔喜有如此候即當灸之

穴灸懸鍾絕骨隨年壯一灸即愈不得再灸也若
年月久更發依法更火若意便欲多者七日外更
七壯

資生經曰虛損論云疾之所起生自五勞五勞既用
二臟先損心腎受邪卧生六極一曰氣極令人內虛
五臟不足外受邪氣多寒濕痺又曰五勞六極七傷

七氣積聚變為病者甚則令人得大緩急濕痺不仁
偏枯筋縮四肢拘攣令人無子

治骨痺舉節不用而痛汗注煩心取三陰之經補之

厥痺者厥氣上攻腹取陽之絡視主病瀉者陽補陰經
也 穴 會陰 太淵 消灤 照海

治足大指損傷下車拄地適臂指端傷為筋痺

穴 解谿

治痺經重足跗不收跟痛 穴 巨虛 下廉

治經疼足緩失履濕痺足不能久立 穴 條口

治膝寒痺不仁痿不屈伸 穴 髀關

治膚痛痿痺 穴 外丘

治髀痺引膝股外廉痛不仁筋急 穴 陽陵泉

治腰脇相引痛髀筋癢脛痛不可屈伸痺不仁

穴 環跳

治風寒從足小指起脉痺上下帶胸脇痛無常處

穴 至陰

治足下熱脛痛不能久立濕痺不能行 穴 三陰交

治胸痺引背時寒 穴 間使

治痺心痺 穴 天井

治胸痺心痛不得息痛無常處 穴 臨泣

治胸痺心痛 穴 膻中 忌鍼

治胸痺滿痛 穴 期門

自汗

治多汗 穴 玉枕 治汗出 穴 膈腧

治多汗四肢不舉少力

穴 橫文灸五十壯 長平灸五十壯

治頭項痛歷節汗出

穴 飛揚 漏泉 頷厭 後項

治瘡多汗 穴 崑崙 治濕瘡汗出 穴 然谷

治骨寒熱汗注不止 穴 復溜

治心痛汗出 穴 大敦 治汗出 穴 缺盆

治風汗出 穴 中府 治汗出而寒 穴 少商

治汗出 穴 衝陽

治熱病煩心心悶先手臂身熱癰瘕唇口聚鼻張目下

汗出如珠 穴 列缺 曲池

治汗出寒熱 穴 攢竹 正營 上管 缺盆 中府

治汗出衄血不止 穴 承漿

治汗出而嘔痊 穴 百會

治熱病汗出目厥足清又治汗不出厥手足清

穴 大都

治寒熱無所汗出不止風逆四肢腫 穴 復溜

治熱病煩心足寒清多汗

先取然谷 後取太谿大指間動脈皆先補之

治汗出 穴 列缺 肺腧 心腧

治多汗瘡病 穴 譙譙五十壯

汗不出

治胃滿短氣不得汗 背鍼補手太陰令汗出

治瘡寒汗不出 穴 少澤 復溜 崑崙

治風瘡汗不出 穴 偏厯

治瘡寒熱汗不出 穴 少澤

治痲瘡寒熱汗不出 穴 上星

治頭痛汗不出 穴 瘕門

治心中煩滿汗不出 穴 心俞 曲差

治洒淅寒熱脊強汗不出 穴 陶道

治振寒汗不出 穴 膽腧

治頭痛如破身熱如火汗不出 穴 命門

治身熱汗不出

穴 上腕

治汗不出

穴 至陰 魚際 曲泉 俠谿 中膺 膺

治風汗不出

穴 偏歷

治手足煩熱汗不出轉筋 穴 竅陰

治汗不出

穴 命門 肺腧

治汗不出過肩

穴 曲澤

治汗不出不過眉

穴 曲澤

治汗不出

穴 魚際

治熱病汗不出腹中積癖默默嗜卧四肢怠惰不欲動
身常濕不能食食則心痛周痺身皆痛 穴 膈腧

傷寒無汗

療熱病汗不出手足逆冷腹滿善嘔目眩煩心四肢腫

穴 大都

治熱病三日以往汗不出怵惕又云及主熱病煩滿欲
嘔噦胸脇不可反側欬滿溺赤小便血衄不止嘔吐血
氣逆噫不止噤中痛食不下善渴口中爛掌中熱欲嘔

穴 勞宮

治臂厥熱痛汗不出

穴 孔最

皆灸刺之此穴可出汗

治熱病汗不出

穴 經渠 陽池 陽谷 合谷 前谷 內庭

後谿 腕骨 支溝 厲兌 衝陽 解谿

治熱病汗不出 穴 中衝

治煩滿汗不出 穴 命門 膀臑腧 上管 曲池

上星 陶道 天柱 上竅 懸釐 風池

治下部寒熱汗不出體重 穴 飛陽

治汗不出悽厥惡寒

穴 玉枕 大杼 肝腧 心腧 膈腧 陶道

治腹足清寒熱汗不出 穴 光明

治身熱頭痛 穴 曲泉

治頭痛不甚汗出 穴 魚際

治氣膈善嘔鼓寒不得汗煩心身痛 穴 尺澤

治熱病先不樂頭痛面熱無汗 穴 液門 中渚 通理

治傷寒溫病善搖頭顏清汗不過眉 穴 曲澤

治熱病汗不出取其經血立愈 穴 委中

治熱病汗不出 穴 孔最

可灸三壯即汗出

治熱病汗不出 穴 陷谷 厲兌 鬲腧 中清

大都 支溝 陽谷 腕骨 前谷

治熱病煩滿汗不出 穴 懸顙

治熱病汗不出頭偏痛煩心不欲食 穴 懸釐

治熱病汗不出 穴 諶諤

治傷寒汗不出脊強 穴 大杼

治熱病汗不出暴痺喘逆心痛嘔吐 穴 經渠

治熱病汗不出 穴 商陽

治熱病汗不出掌熱身如火心痛煩滿舌強頭痛如破

穴 中衝

治熱病汗不出默默嗜卧溺黃消痺大便難

穴 太谿

治溫病汗不出目眩苦頭痛 穴 風池

治熱病汗不出臂攣腋腫善笑不休心懸若饑喜悲泣
驚恐目赤小便如血嘔逆狂言不樂 穴 大陵

治熱病汗不出卒狂虛則痿痺坐不能起實則足鼈熱
膝痛身體不仁善嚙頰 穴 光明

治熱病汗不出胸滿頸痛四肢不舉腋下腫上氣胃中
有聲喉渴 穴 天池

治熱病汗不出 穴 譙謫 天牖 風池 上星

治熱病汗不出而苦嘔煩心 穴 承光

治熱病汗不出

穴 天柱 風池 商陽 關衝

治熱病胸中澹澹腹滿暴痛恍惚不知人手清小腹滿

癰癥心疝滿不得息

穴 巨闕

治熱病汗不出脇痛不得息頸頤腫寒熱耳聾無所聞

穴 陽谷

治熱病汗不出善噫腹脹滿胃氣譫言 穴 解谿

傷寒嘔噦

治傷寒煩心善嘔心腹脹噫煩熱膈中不利 穴 巨闕

治熱病煩心善嘔胸中澹澹 穴 間使

治傷寒寒熱頭痛嘔衄 穴 溫溜

治汗出而嘔瘕 穴 百會

治寒熱好嘔 穴 商丘

治傷寒熱盛煩嘔 穴 大椎

治頭身熱赤欲嘔 穴 腎腧

治熱病煩滿嘔噦 穴 勞宮

治傷寒逆氣嘔吐 穴 曲澤

治傷寒噦逆噫噦膈中氣閉塞

穴 溫溜

灸腋下一聚毛下附肋宛宛中五十壯

治傷寒嘔逆若氣自腹中起築咽喉逆氣連屬不能出或至數十聲上下不得喘息此由寒傷胃脘腎氣先虛逆氣上乘於胃與氣相侔不止者難治胃之噦

穴 灸中脘關元百壯未止灸腎腧百壯宜茱萸丸必用方論云噦者俗云欬逆也針灸者當以此求之

瘧論 附論

治瘧病灸刺法論曰足太陽瘧令人腰痛頭重寒從背起先寒後熱熱止汗出難以刺郄中出血足少陽瘧令人身體解亦寒不甚熱不甚惡見人見人心惕惕然多汗刺足少陽足陽明瘧令人洒淅寒甚久乃熱熱去汗出喜見日光火氣乃快然刺足陽明腳趺上足太陰瘧令人不樂好太息不嗜食多寒熱汗出病至則嘔嘔已乃衰即取之足少陰瘧令人吐嘔甚又寒熱熱多寒少

欲閉戶而處其病難已定厥陰瘧令人腰痛小腹滿小便不利如瘧狀非瘧也數小便意恐懼氣不足腹中悵悵刺足厥陰

治溫瘧寒瘧療瘧久不愈 穴 諶諶

治溫瘧瘧瘧 穴 腰膂 中管

治瘧瘧 穴 膈膂 命門 太谿

治暴瘧 穴 陰驕 治寒瘧 穴 上廉

治瘧寒熱唇口乾身熱喘目急痛 穴 三間

治瘡發寒熱頭重煩心 穴 至陰

治寒熱瘡 穴 液門 合谷 陷谷 天池

治發寒熱瘡久不愈目視眊眊 穴 偏厯

治瘡瘡久不愈 穴 大椎

治瘡瘡久不愈者煩滿少氣悲恐畏人臂酸掌熱手握

不伸 穴 少府

治瘡瘡寒熱洒淅 穴 陶道

治寒熱瘡腰腹相引痛 穴 命門

治瘧日西發

又云治瘧日發

穴 足臨泣

治久瘧

穴

太谿

照海

中渚

治久瘧振寒及腋下腫

穴

丘墟

治瘧

穴

陷谷

治瘧色倉倉振寒小腹腫食怏怏速臍痛足逆冷不嗜

食身體不仁

穴

中封

治瘧瘧寒熱目眩頭痛暴得耳聾

穴 液門

治瘧瘧頭痛煩悶

穴

腕骨

治寒熱瘧瘧口乾

穴 商陽

治溫瘧

穴 譙譙 中腕 白環脰

治寒熱瘧

穴 上膠 偏厯

治寒瘧唇焦口乾氣喘

穴 三間

治瘧瘧寒熱

穴 脾脘

資生經云有人患瘧諸藥不效或教之以灸脾脘即愈
更一人亦久患瘧聞之亦灸此穴而愈蓋瘧多因飲
食得之故灸脾脘多效

治寒瘧不嗜食 穴 內庭 厲兌 公孫

治瘧寒熱喜驚不欲食 穴 京骨

治瘧心煩甚欲得飲食冷惡寒則欲處溫中咽乾不嗜

食 穴 神門

治身寒熱瘧病心下煩滿氣逆

穴 合谷 陽谿 後谿 陽池 陰都

治寒瘧 穴 天樞

治寒瘧嘔沫善笑縱唇口 穴 列缺

治痲瘡振寒腹滿煩心善噦唾沫唇乾引飲不下膨膨

手攣指痛寒慄鼓頤喉鳴 穴 少商

治瘡寒熱胸背拘急胃滿膨膨 穴 經渠

治溫瘡痲瘡 穴 大椎 腰腧

治瘡頭項強不可俛仰頭痛振寒 穴 大杼

治痲瘡 穴 前谷 風池 神道

治痲瘡振寒熱汗不出 穴 上皇

治風瘡汗不出 穴 偏歷

治瘧寒汗不出

穴

少澤

復溜

崑崙

治瘧先寒洒淅甚久而熱熱去汗出

穴 衝陽

治瘧多汗又云瘧多汗腰痛不可俛仰目如脫項似拔

穴 然谷 崑崙

治瘧寒熱

穴

列缺

又云主瘧甚熱

後谿

小澤

前谷

治瘧欬逆心悶不得卧寒熱 穴 太泉 太谿 經渠

治乍寒乍熱瘧

穴

大陵

腕骨

陽谷

少衝

治瘧多寒少熱又治瘧悶嘔甚熱多寒少欲閉戶而處

寒厥足熱

穴 大鍾

治寒瘧腹痛

穴 商丘

治瘧背振寒項痛引肘掖腰痛小腹四肢不與

穴 小海

治瘧振寒熱盛狂言

穴 天樞

治瘧甚苦寒欬嘔沫

穴 陽谿

治瘧不嗜食惡寒

穴 厲兌 內庭

治瘧振寒慄鼓頤

穴 小商

治瘧瘧熱

穴 商丘 神庭 上皇 百會 完骨

風池 神道 液門 光明 至陰 大杼

治瘡身熱 穴 陰都 小海 商陽 三間 中渚

治瘡甚熱 穴 列缺 治瘡足痛 穴 俠谿

治瘡脇痛不得息 穴 陽谷

治瘡從脚胫起 穴 衝陽 束骨

治狂瘡頭眩痛瘕反折 穴 飛揚

治瘡面赤腫 穴 溫溜

治瘡食時發心痛悲傷不樂 穴 天井

治瘡病 穴 天府

治風瘡 穴 譙譙 支正 小海

治疥瘡少氣 穴 三里 陷谷 俠谿 飛揚

王氏云夫瘡皆生於風夏傷於暑秋為瘡瘡

素問云瘡猶老

也亦瘦也揚上善云二日一發為瘡其說與素問千金異瘡有數名先寒後熱曰

寒瘡先熱後寒曰溫瘡熱而不寒曰痺瘡多寒曰壯

瘡久不瘡曰勞瘡久不斷曰老瘡時行後變成瘡曰

瘡瘡病結為癰疽曰瘡母以致肝肺脾腎心胃亦皆

有癰或每日發或間日發或作稍益晏或作日益早
素問千金等方論之詳矣治癰之方甚多惟小金丹
最佳予嘗以與人皆效然人豈得皆有此藥哉此灸
之所以不可廢也鄉居人用旱蓮草搥碎宜用手掌
大四指關也當兩肋中以古文錢壓之繫之以故帛未久
即起泡謂之大灸尚能愈癰況於灸乎故詳著之
治諸癰而脉不見者

刺十指間出血乃看兩舌下有紫腫紅筋亦須針

去血效血去必已先視身之赤如小豆者盡取之

治肝瘧

穴 刺足厥陰見血

治心瘧

穴 刺手少陰

治脾瘧

穴 刺足太陰

治肺瘧

穴 刺手太陰陽明

治胃瘧

穴 刺足陽明太陰橫脉出血

治腎瘧

穴 刺足少陰太陽

治五臟瘧

尺澤二穴各灸三壯發時灸

凡灸瘡者必先問其病之所先發者先灸之從頭項發者於未發前預灸大顙尖頭漸灸過時止從腰脊發者灸腎腧百壯從手臂發者灸三間又灸上星及大顙至發時令滿百壯灸艾炷如黍米粒若覺小異即灸百會三壯若後更發又七壯極難愈者不過三灸以足踏地以線圍足一匝中折從大顙向百會灸線頭三七壯炷如小豆。又灸風池二穴三壯。又正頭仰卧以線量兩乳間中屈從乳向下灸度隨年

壯男左女右

治痲瘡

穴

上星主之灸七壯先取諶譚後取天牖

風池瘡日西而發者臨泣主之灸七壯

治瘡實則腰背痛虛則顛仆

穴

飛揚灸七壯

治瘡多汗腰痛不可俛仰目如脫項如拔

穴 崑崙灸三壯。又大開口度上下唇以繩度心

頭灸此度下頭百壯又灸脊中央五十壯過時灸

二十壯

治熱多寒少又云瘧悶嘔甚欲閉戶而處寒厥足熱

穴 太谿

治瘧 穴 刺足少陰血出愈

治瘧寒熱 穴 合谷 陽池 俠谿 京骨

治瘧病醫不能救者

以繩量病人脚圍遶口跟及五指匝訖截斷繩不
用量得繩置項上著反向背上當繩頭處中脊骨
上灸三十壯則定候看復惡寒急灸三十壯則

定此至過發一炊久候之雖飢不與食盡日此神驗男左足女右足

治瘡癰服藥後

穴 灸大椎四十壯無不斷若先寒者將欲寒者預前以炭灰安床下令背煖并灸龜甲末一方寸匕煖酒和服至發時令得三服被覆過時無不斷此陶氏法比欲寒時但以火炙其背亦愈即瘡者縱發亦輕效驗

治瘧疾 從手發者灸三間三年瘵瘧欲發慘慘則下
火。從腰發者灸腎腧百壯

治瘧疾久不愈者 不問男女於大椎中第一骨節盡
處先針後灸三七壯立效或灸第三骨節亦可

治瘧疾 穴 灸大椎百會各隨年壯

黃疸

治黃疸 穴 脾腧 胃管 太谿

治黃疸足寒熱善渴及舌縱煩滿 穴 然谷

治黃疸熱中喜渴

穴 太衝

治身黃時有微熱不嗜食少氣身體重膝內廉內踝前

痛

穴 中封 五里

治黃疸腹滿不能食

穴 脊中

治黃疸喜欠不下食脇下滿欲吐身重不欲動

穴 脾膺

治黃疸目黃

穴 勞宮

治目黃振寒

穴 中管 大陵

治黃疸 穴 脾腧

療腰身黃脹滿腹肚洩痢身重四肢不收黃疸邪氣積

聚腹痛寒熱 穴 脾腧

療身黃羸瘦 穴 章門

治馬黃黃疸等病 穴 黃門穴

從鼻頭真人髮際度取通繩分為三

斷繩取一分入髮際當繩頭針是穴

治馬黃黃疸 上斷裏穴正當人中及唇鍼三次

治馬黃黃疸四時等病

上腭穴入裏邊在上縫赤白脉是鍼三次

治黃疸

舌下穴俠舌兩邊鍼

治馬黃黃疸寒暑瘟疫

唇裏穴正當承漿裏邊逼齒斷鍼三次

治四時寒暑所苦疸氣溫病

穴 顓顓鍼灸

治馬黃黃疸疫通身並黃語音已不轉者

俠人中穴火鍼

治馬黃急疫

俠承漿穴

治馬黃黃疸急疫等病 穴 巨關穴七壯

治馬黃黃疸 穴 上管灸七壯

治馬黃黃疸 男陰縫穴拔陰反向上灸若女人玉

門是穴男女針灸無恠

治頭中百病馬黃黃疸 穴 風府鍼之

治馬黃黃疸 熱府穴在第二節下兩傍相去各一

寸五分

治馬黃黃疸寒暑諸毒 穴 心膻 肝膻 脾膻

腎腧 脚後穴在白肉後際鍼灸隨便

治黃疸通治百毒 穴 肺腧灸

治馬黃黃疸寒暑疫毒 耳中穴在耳門孔上橫梁

是鍼灸之

治馬黃黃疸瘟疫

頰裏穴從口吻邊入住對頰裏去口一寸鍼頰兩
邊同法

治馬黃黃疸

脾石子頭

還取病人手自捉臂從腕
中太淵紋向上一尺接白

肉際灸
七壯

治黃疸 錢孔穴度孔至臍中屈筋頭骨是灸百壯

治馬黃瘟疫 穴 衝鍼灸隨便

治傷胞身黃 穴 章門

治三十穴黃點確應用腧穴處

穴 肝腧 心腧 脾腧 肺腧 腎腧 膽腧

小腸腧 胃腧 大腸腧 膀胱腧 風門 百會

接脊一穴在背當中心 天憲 明宮 神庭

風府 風池 玉枕 承漿 大腸 鳩尾 巨關

上腕 中腕 下腕 胃腕

陰倍二穴在胃兩傍各一寸半 章門 手太陽

手陽明 勞宮 三里 上廉 下廉 承山 絕骨

足陽明 太衝 伏兔 氣海 丹田 關元 曲骨

魂舍 玉泉

治黃疸 穴 手太陽灸隨年壯


資生經云五苓散治疸病發渴立效瘀熱在裏身黃

腫煎茵陳湯下服此不效方可鍼灸

治黃疸

穴 魚際灸七壯

治瘴善噦氣走咽喉而不能言手足清大便難噎中腫
痛吐血中熱唾如膠 穴 太谿



普濟方卷四百十八